Dissertatio inauguralis medica de morbis aulicis / [Samuel Friebe].

Contributors

Friebe, Samuel. Alberti, Michael, 1682-1757. Universität Halle-Wittenberg.

Publication/Creation

Halae Magdeburgicae: Typis Jo. Christiani Hendelii, [1726]

Persistent URL

https://wellcomecollection.org/works/aay7w9g2

License and attribution


This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.






C.14. C






https://archive.org/details/b30547398







PROOEMIUM.



vexarique. Quidenim rerum usu comprobatur magis, quam singulas hominum ætates suas contrahere afflictiones, suis urgeri incommodis Temperamenta, suis utrumque sexum infestari premique calamitatibus, suis denique stationes vitæ singulas compungi excruciarique malis? Norunt hoc Agricolæ, queruntur Opisices, execrantur milites, obstrepunt Classarii, experiuntur Academici, persentiscunt eruditi,
A 2 alii

alii cuicunque vitæ generi addicti; quos omnes sui manent labores, suæ ægritudines, non nisi saniore corporis cura facile mitigandæ, deprecandæ, defendendæ. Quibus extra omnem dubitationis aleam positis, si cunctorum naturam atque indolem quenquam evolvere, & sub justam examinis incudem juvaret revocare, facillimo perspiceret negotio, nullum nimirum morbum forte fortuna, aut sine causarum antecedentium nexu & cohæsione cuipiam obtingere; verum pro sua quemlibet & dispositione, & vitægenere, qualecunque illud demum fit, valetudinarium esse; haud secus ac si certæ personæ, gentes, nationes, suis familiaribus, & quasi domesticis alligarentur afflictionibus. Inprimis vero in figni quadam ratione personæ illustriores, quæ Regum ac Principum latus claudunt, hujusmodi pertentantur affectuum generibus, quæ licet ab aliis etiam hominibus interdum non fint alienissima, tantum tamen abest, ut pullulent ex suetis ipsorum, quæ profitentur studiis, ut potius renunciationi pristini operis, novæque rationi vitæ (lautioris forsan & mollioris) affectatæ, originem ferant acceptam. autem nitidissima illa, elegantissima & tantum non divina hominum progenies, quæ Aulam sequitur, tam inconcinnis sæpe numero atque funestis corripiatur, interpelleturque morborum spiculis, sibi quasi peculiaribus, perversa hominum, sacratissimis Principnm aulis abutentium consuetudo in causa est; qui malo more divinam illam omnium rerum affluentiana

tiam & beatitudinem ideo suas profundere opes volunt, uti sexcenta sibi suppetant irritamenta malorum, sitque adeo, unde morbidi, vitæ male actæcum acutissimis doloribus, poenas luant omnium, gravissimas. His apud animum probe expensis, consultoque Illustr. Dn. D. Stablis Propemptico inaugura: li, de Morbis Aulicis, Clarissimique Carl. Tr. de Dista, feciatim aulicorum, non abs re fore existimavi, si cum consensu Gratiosissimi Medicorum Ordinis Speciminis Inauguralis loco, pauca quædam prælibarem de MORBIS AULICORUM; spe fretus certa, fore, ut Lector Benevolus, si quid erratum fuerit, æqui bonique consulat, neque omnem hac me voluisse opella rem exhaustam, sed pro mearum virium tenuissimo modulo demensum esse, bona sibi dictum velit pace, est quod enixe deprecor. Quod reliquum est Omnipotentem Universi hujus Moderatorem DEum supplex veneror, coptis adfistat laboribus, ut ex levidensi hac commentatiuncula, vel aliqua saltim utilitas ad bonum publicum exoptatissimo redundet fructu.

§. I.

E Morbis Aulicorum verba facturo, adeo vastus aperitur Campus, ut si omnes & singulos justa censura proferre & inquirere vellem, verendum, ne sœcunda hæc materia in immensam fere excrescat molem, id quod vero præsentis instituti modus haud æque permittere videtur.

A 3 detur.

detur. Quare deprayatos voluntatis humanæ motus & affectiones, perversos & corruptos eorum mores, projectam a vero virtutis tramite deviandi libidinem, qualem cunque, nefanda, quæ ex illa dissoluta morum disciplina oriuntur, scelera atque slagitia, honestis animis prorsus detestanda, discursu quodum morali & Philosophico disquirere, culpare, perstringere, merito ut a scopo Dissertationis nostræ alienissimis supersedeo; Scholisque Interpretum divinorum Oraculorum aliorumque, qui Sanioris Philosophiæ moralis principia prositentur, comittenda censeo. Potius eos duntaxat errores, vitæ sanitatisque negotium interpellantes & in periculum adducentes, motus actusque naturæ, graviter interturbantes ac evertentes paulo accuratiori inpræsentiarum examina subjicere placet.

S. II.

Sanitatis autem rationem, non in justa tantum animi integritate, serenitate, tranquillitate, verum etiam efficaci & sufficiente virtute agendi, partium corporis folidarum ac organorum cuivis ætati & sexui respondentium, illibata constitutione & structura, corundemque conformi & decenti motu, ac exinde dependente partium fluidarum (sanguinis scilicet reliquorumque humorum) æquali & temperato transitu, quo se-& excretiones debito ordine perficiuntur, verbo, in omnium actionum tam animalium fenfus nempe ac motus, quam vitalium, pulsus cordis & respirationis decenti vigore consistere, quis est quem ex attentioribus naturæ humanæ cultoribus ac indefessis artis salutaris sectatoribus lateat? Terque ergo quaterque beatos deprædicamus illos, qui integra corporis valetudine gaudentes, non minus follicita cura eandem illibatam confervare allaborant; contra miserrimos & vere infelices clamitamus eos, qui impurissimo fædarum libidinum æftro perciti, naturs

turz suz scientes volentes vim inferunt, corpusque robustissimum, vigore suo nativo indignissime defraudant.

S. III.

Præmissis hisce claret, universum vitæ naturalis sustentandæ ac conservandæ sundamentum versari in exquisitiorum alimentorum justa, debita & ordinata ingestione,
ac inde facili & legitima solutione & digestione, aëris temperati puriorisque electione, motus, quietis, somni vigiliarumque debita usura, Animi serenitate & modestia,
denique in humorum retinendorum & excernendorum
legitima purisicatione & abstersione: Immodicum vero
rerum harum modo recensitarum usum aut neglectum,
universum vitæ & sanitatis negotium sunditus destruere, notius est quam quod notissimum.

S. IV.

Quotus autem quisque versatur in magnatum aulis, qui modo allatis cautionibus & regulis sobrie utatur? ut porius ruere eos videas in quævis alia, præceptis iftis e diametro adversantia. Non facile pigere eos videas improbiffimarum, animi corporisque contentionum, non intempestivarum vigiliarum. Agunt enim, ut sit, quod egisse brevi eos poenitere queat, aut quod actum, vanum notare & prodere possit autorem, aut quod suas incassum consumsisse vires & prosudisse censeantur. Ac uti ingenue fatear omnia istorum hominum molimina, quamvis etiam sollicitudinem mentiantur, subtile sapiunt otium, quandoquidem enim rebus feriis, quas obeundas habent parce defunguntur; commessabundos potius celebrant cœtus, crapulantur, debachantur, totas extrahendo dies noctesque tripudiis indulgent: quæ omnia tanta animi contentione exequentur, ut juret aliquis potissimum Aulicorum munus esse meditari: qua facillima expeditissimaque via mortem oppetere liceat. 6. V.

一篇 (8) 隐

Iam vero quæ Thesibus proxime præcedentibus sparsim discinetaque quadam ratione in medium fuere allata, colligenda erunt & uno fasce proloquendum; quæ nam cum primis mala Aulicos pro ratione vitæ confvetæ teneant divexentque. Et principe quidem loco omnes inter primas tenet Plethora, quam infignes humorum Orgafmi, vehementioresque sanguinis commotiones haud raro excipere folent. Huc accedunt varii motus erronei à principio corporis agente, vel intenfi, & exacerbati, vel remissi, aut plane omissi; quibus non immerito quoque vitia illa circa primas regiones his hominibus quam maxime folemnia jungo. Proveniunt enim ex his ceu communibus in morborum aulicorum fontibus & primis fundamentis, innummeræ adhuc infirmitates, & afflictiones, quarum principaliores brevi quodam catalogo recensere operæ pretium duco. Atque adeo Caput variæ Cephalalgiæ vertiginofæ, Paralyticæ, Apoplecticæ, obliviosæ & somnolentæ infestant affectiones. Pectus occupant, varia Catarrhalia Pathemata, diuturnæ tusses, quæ sæpius quoque instantem Phtisin præsagire solent. Circaabdomen præcipue ventriculi & intestinorum vitia, Atoniam nimirum, ructus, vomitum, flatulentias, Anorexiam, acutissimos dolores Colicos, Iliacas passiones, Diarrhœas, viscerum quoque scirrhos & infarctus, dolores calculosos & Nephriticos haud raro observamus. In artubus conqueruntur de Podagra, Chiragra aliisque Arthriticis doloribus; in toto denique corpore multifariæ febrium species, hectica quoque oboriri solent, quæ omnia & singula in subsequentibus juxta suas causas atque origines accurate ordinateque brevibus tamen pertractanda, partium esse mearum duxi.

Interea ne omnibus omnino Aulicæ vitæ deditis injusiam facere videar, merito hoc loco excuso illos,

gui

qui sic serente gentium principumque statu magnissentiz & splendoris ergo, partim ut aliorum, quorum res in tam lauta ac bene aucta parte non sunt positz, sortem penes se emineant; partim ut eo majorem subditis reverentiam sui injiciant, exterisque siant admirationi, faciendis sumtibus minime parcunt. Nec in illos inveho, qui medias inter libidinum illecebras, temperantiam potius quam luxuriam sectantes, suasu impulsuque aliorum sexcenta illecebrarum genera vane insustrantium, neque a verz virtutis neque decentis dizte tramite se abripi patiuntur; sed potius cuncta hortantium molimina intra pectus eludunt. Iis enim, qui scopulos hosce salvi evadunt, sponsores esse volumus, sore, ut a memoratis incommodis, que in præsentiarum morbos Aulicos inscripsimus, tuti sint atque immunes.

6. VII.

At enim, quod enarratæ ægritudines in multis aulicis varient, imo quod haud pauci, licet crassissimos semper in Diæta committant excellus, tamen ab iisdem non adeo affligantur, id partim corundem constitutioni, vitæ generi, & alimentorum disparitati; partim quoque, si dicendum quod res est, naturæ quasi violento modo inversæ, debetur. Etenim qui natura sunt debiles, emaciati aut multis jam malis obnoxii, ii quoque suo damno, levicula data occasione, horum adfectuum exacerbationem sentient; qui vero funt robustiores, ac fere his rebus jam dum indurati, ii profecto hujus generis mala per longum temporis spatium effugiunt; venit tamen hora, qua de improviso vitæ maleferiatæ promeritas exsolvunt poenas; inprimis fi inopinatam arque subitaneam vitæ generis ante sueti illos subire oporteat mutationem: a luxurioso enim consuetoque vivendi more arque ratione abscedentes, non possunt non, appetitui suo vago dum non ulterius obediunt, satis graves tunc temporis sanitatis expe-

B

- (IO) ES-

riri poenas. Conf. Illust. Dn. D. Stahl. Diss. de Consuetudinis Efficacia.

5. VIII.

Propius inde ad rem accedendum atque fontes malerum horum speciatim investigandi. Monitum enim jam supra, posthabitam illarum sex non-naturalium rerum curam, cuncta sere in Aulicis mala progignere; hinc ductu earum cujusvis morbi causam & originem, accuratius expendere apud animum constitui.

§. 1X.

Primo quod ad cibum & potum attinet, satis superque constat, corpus nostrum ad conservationem sui continuo stagitare sufficientem alimentorum copiam, qua interveniente, nutritionis opus eo selicius procedere possit. Quo interea non rite observato & esculentis, quæ palatum saltim juvant, seu sluidis seu solidis invito sæpe Stomacho obtrusis, haud raro contingere solet, ut universum nutritionis turbetur & intervertatur negotium.

6. X.

Et vero hæc intemperies in cibo & potu, si cui alii hominum generi est samiliaris, certe Aulicis ceu propria eritaddicenda. Affuefacti enim illi homines mensæ continuo dubiæ, laxant, diffribuunt, difpenfant, appetitum vagari patiuntur, modo hine modo illine quicquam prælibantes: Securi interea, corpusne inde aliquid capiat vitii an ferat commodi, modo non præsenter noceat. Unde fere nihil fastidiunt magis, quam audire citantes & commendantes Medicos certam definitamque aliquam ciborum, quantitatem, qualitatem, tempus & modum, persuasi, proficifci hoc five ex invido & scrupulofo quodam ingenio, five ex corrupto Medicorum guftu, ut quod ipforum non fit ad palatum velint, ut alii quoque respuant. misere autem isti homines sese decipiant, experiuntur omnino illi, qui nimia edacitate & alimentorum, forfan etiam

etiam non adeo noxiorum, quinimo blande nutrientium immoderata continuo ingestione Plethoram sibi contraxerunt, fœcundam multorum malorum matrem: viclus enim si indies & in horas angulas velut mutatur, subministrando identidem opipara omnis generis bellaria, res varias dulciarias tot aromatum generibus conditas & temperatas, efficitur, ut non possint non contraria hæcinvicem sua natura peccare, negotiumque digestionis depravare : que omnia quia dulcia commixta funt amans, quadrata rotundis; vetus suo ordini adsueta natura ægrius incipit ferre, ac variis infolitisque ventriculi conquassationibus, ingestorum itetrum meditatur conaturque expulsionem, unde Anorexia demum, nisus vomitorii seu vomitus ipsi oboriuntur. Accedit & hoc dum circa tempora capiendi cibum haud leves committunt errores, neque ordinem fervant neque modum, ut digestionis evertant negotium, ventriculi vitale & naturale destruatur robur, & ex hujus atonia, visciditatibus cruditatibusque primarum viarum pandatur porta, appetitus minuatur, bilis augeatur, unde fermentescentiæ & flatus procreantur, ac exinde variis intestinorum Colicis ac Iliacis incommodis ansa subministratur.

S. XI.

Idem queque Judicium esto de potu, sitis restinguendæ, sacilitandæque solutionis ergo quam maxima adpetendo; dum vero in Aulis eodem sæpius non ad verum huncce sinem obtinendum, sed jucundi potius saporis gratia, & ut monstrent quisalterum in potando superet, quod isti exhilarationem adpellant, utuntur; sic pariter & Quantitate & Qualitate, & Tempore quando potatur, error committitur. Hac ratione vinum aliaque potulenta generosa & spirituosa nimium hausta, non solum Plethoram generant, sed eandem quoque mirum in modum commovent, utexinde vehementissimis orgasmis & vio-

-\$93 (I2) {@}-

sentioribus Massæ Sanguineæ expansionibus non levem ministrent somitem, unde Hæmoptyses & aliæ Hæmor. hagiarum Species, Phthisis, inflammationes & sebres ortum suum nanciscuntur.

S. XII.

Eadem quoque ratione potulenta, Qualitate peccantia, & fine ulla temporis cura adfumta, varias in corpore ciere solent turbas, quando nimirum Spirituum zstuosiorum, acrium, acidorum, dulcium, flatulentorum & fermentescentium matutina, vespertina, imo no-Aurna & continua fere ingurgitatione in corpus fuum debacchantur, sequitur ut naturæ antea jam fervidiores & calidiores, eo magis in actibus fuis inflammentur, ut postmodum non solum incongruas ad diversas partes congestiones, sed & varios irregulares in corpore intendant motus, & exinde tremores artuum, Spasmos, Rheumatifmos, Podagram, dolores Arthriticos nephriticosque ac plum demum calculum gignant. Accedit & hoc, ut, fi vinum fuerit sulphure narcotico nimis imbutum & imprægnatum, ad vertiginofos capitis dolores & adfectus foporiferos facillimo disponantur negotio. Ex avido autem frigidiusculorum poculorum vel aliorum variorum refrigerantium liquorum in aulis usitatorum haustu, prægressa cumprimis incitatissima corporis agitatione & sanguinis effervescentia haud raro principium in corporeagens conturbatum, opus confuetum violentius tractat, adeo ut sanguinem vi quasi in incongrua loca trudat & periculi sæpius plenissimos viscerum moliatur infarctus:

S. XIII.

Aërem externum, in quo non solum homo per vitæ suæ totius curriculum versari, sed eundem quoque pulmonibus attrahere & excipere necesse haber, quod attinet, hic quoque, dum pro diversa sua temperie, insigniter variat, ut modo humidus, modo siccus, modo calidus, modo frigidus impendeat; sequitur omnino, ut hoc neutiquam sine corporis humani sieri possir alteratione: quare merito quoque indicandum canseo, qua ratione siat, ut hance aeris subitaneam vicissitudinem atque mutationem varii quoque generis excipiant adsectus.

6. XIV.

Quilibet equidem harum rerum gnarus, haudibit inficias, quam maximam in corpus humanum energiam exercere, repentinam vehementiusque impulsam aëris mutationem, seu potius ubi allabitur frigiditate sua corpus velamentis solutum exterioribus quod æstu suo adhuc calet & quasi sumigat. Si enim sanguis nimis calore expansus rarefactusque repente exponitur frigori, natura subito perculsa, regurgitationem humorum interiora versus suscipit; quo postmodum sanguinis eximia quantitas, veluti incarcerata, stases, coagulationes causatur atque infarctus.

S. XV.

Nuspiam ergo magis, quam in aulis temperati aëris observantia postponitur negligiturque, quandoquidem ibidem homines variis vitiosis aëris alterationibus se exponentes, gravissimis, nec raro etiam fatalibus implicantur adsictionibus. Quid quæso illis est solennius? quam cibis repletum gementemque ventriculum, aut omne prorsus corpus, sub ipsum digestionis alimentorum exordium; accedente præterea vinosa sanguinis incalescentia, frivola & insuper habita Athmosphæræ frigidæ admissione subito percellere, totum fere ut obrigescat, quibus Chylisicationis opus parum promovetur, imo variis sebrilibus commotionibus omnes aperiuntur portæ.

Cumque præterea non omnibus aulicæ vitæ deditis,

es obtingat felicitas, ut sevientibus tempestatum injuris, habitaculis semper, temperato aere repletis uti queant; non abs re fore arbitror, si quoque de noxis ex itineribus in eosdem redundantibus pauca quædam in medium afferantur. Jam vero omnibus notum est, cum non Principes, multo minus ipforum Ministri, qui latus eorum claudunt, dominari autimperare tempestatibus posfint; ut ferre potius teneantur, injuriarum quicquid & incommodorum cœlum in ipforum expeditiones aliaque itinera minitetur effundendum immittendumque: non possunt non quandoque inviti licet, liberiori aëris allapfui exponi, quo fit, ut nebulas variis effluviis miasmatum, que generibus imprægnatas, imbres, nives, subeant: harumque rerum omnium momentaneas quali mutationes & alterationes, experiantur, hacque ratione infigne fanitatis faciant detrimentum. Quapropter ab aëre frigido humidoque externæ corporis partes nimis relaxantur, humores in 'iis contenti retardantur, retardati condensantur; unde deinceps facillimo negotio Catarrhi, suffes, Coryzæ atque gravedines generantur. quoque ratione, si v. c. calet aër subitoque mutatur in frigidum, occulta transpiratio supprimitur, justæ impediuntur excretiones, & sordes variæque quisquiliæ in corpore colliguntur; quæ si postes (aut ubi citato eques ferturequo aut curru vehitur impositus rapidissimo:) agicantur, majorem adhuc nocendi vim adipiscuntur & inumeris aliis malis ansam præbent.

Ordinis in præsentiarum quoque jubet ratio, transitum ut saciam ad motum corporis & quietem, quæ pro circumstantiarum variatione tum ingens emolumentum tum detrimentum corpori conciliare possunt. Cum enim quotidie, imo per cunctas sere horas, sordes & excrementitiæ partes in corpore nostro generentur; certe per hoc etiam immensum cumularentur, ut mole sua tantum non ipsum corpus opprimerent, nisi per consueta loca egeri, atque se « excerni iterum possent. Eum in sinem provida natura moderatum « æqualem exigit motum, quo nimiam sanguinis quantitatem distrahere, organa in continua sexilitate conservare, facilem ac expeditam humorum per eadem transmissionem « distributionem parare queat, quo ipso sordes non solum Masser sanguine innatantes, sed etiam partibus porosis inherentes, continuo attenuate abstergantur.

6. XVIII.

His ita fe habentibus neminem forsan fugiet, affiduam exadverso & diuturnam corporis quietem, haud pauca œconomiæ vitali creare damna atque facessere molestias. In ea siguidem, si modus exceditur, tonus & robur partium solidarum perit, humores lentore adficiuntur, fe-& excretiones tarde procedentes plane supprimuntur, ac infignis demum obvariarum hæterogenearum partium remanentiam, humorum Dyscrasia haud evitari potest. Quid tandem quoque dicam de spissitudine sanguinis, ex vita hac sedentaria & laborum plane experte, proveniente? in sexu sequiori, accedente inprimis prava Diætæ & Animi pathematum administratione, non tantum mensium suppressionem, verum etiam intolerabiles cruciatus hystericos excitante. Id quod imprimis nobilioribus & delicatulis, commoditatis (quam dicimus) & prave consuetudinis ergo otio & quieti deditis, frequentius, quam aliis vilioris fortis hominibus cuneta laborum genera subire coactis, contingit.

S. XIX.

At enim vero quemadmodum lenis, æquabilis, modica & continuata corporis motio infignem utilitatem adfert, ita e contrario, fi sit vehemens, immodica, inæqualis, & sub sudo-

ris inprimis largissima missione subito remissa, varia mala post setrahit. Hinc plurimos Aulicorum, vehementioribus equitationibus, venationibus, saltiationibus in seram usque noctem protensis, aliisque violentioribus motuum generibus distractos pessima sibi accelerare damna videas: Plethoram enim cibis jam probe adauctam, violentissimis quibusque agitationibus & ebullitionibus commovent; deinde corpus madens, & sudore sepius sluens subito iterum denudantes potusque frigidos insuper ingurgitantes, stasibus, sebribusque ardentibus paratam monstrant viam.

S. XX.

Fœcunda porro plurium malorum mater est, incongrua, (ceu consuevere multi Aulici) somni vigiliarumq; dispensatio. Etenim in eo conspirant omnes Medici Aulici. cœteri, sanitati somnum velificari quam maxime, ut pote quo tempeftive, moderate sufficienterque adhibito, corpus non modo viresque infigniter refocillari, fed & animum ad agendum eo alacriorem reddi; sensus tam internos quam externos, suis laboribus distractos & profligatos mulceri, colligi, refici; unde functionum utriusque generis merito fieri inducias: cum enim cibus & potus, ad vitæ nostræ conservationem queis utimur, non omne conficiant negotium, requiri omnino, ut quod folus cibus, folus potus præstare nequent blanda per somnum quiete sarciatur. Sed in hoe licet plurimi confentiant, prout confentiunt; interea quod moderamen & temperaturam in somno servandam æquabilem, attinet, adeoque uluram & modum, præter falutaris Artis Antistites, Aulici aliique in contrarium nituntur ac dilabuntur.

§. XXI.

Sicvident quidem meliora, probantque, interea sequntur tamen deteriora, perpetuum que illum natura ordinem dinem contrariis actibus continuo eunt inversum, nimium sibi placentes Aulici somno vel nimium vel justo minus, vel intempestive indulgendo, aut vero curis & follicitudinibus insuavem efficiendo. ratim definiri quidem vix poterit, quod temporis dare quieti & somno cuivis conveniat; hoc autem dici potest, tantum decere quemvis, temporis dulcissima impendere quieti, quantum cujusvis natura, constitutio ratio temperamenti postulat. Adeoque multum in co situmest, ut norit quisque, quid, quentum suz per somnum naturæ debeat. Verum cum in Aulis, ut suprajam monitum tam circa tempus, quam defectum & excessum fomni luculenter peccetur, damna exinde refultantia filentii peplo neutiquam erunt involvenda. Sane quod ipsum somni tempus concernit, quid quaso frequentius ibidem, quam ut ex nocte diem faciant, ex die noctem? Multos certe videas justum quietis tempus negligenter habere, noctem totam commessando debachando extrahere, diem deinceps quod contra naturæ ordinem effe videtur, quieti destinare, ipsaenim illa Natura, tunc temporis ob functiones varias vitales in summa activitate est constituta, hinc, ubi somni desiderium explere non datur, extraordinaria lassitudine & torpore, capiuntur. Idem quoque judicium esto de somno pomeridiano, quem quidem indiscriminatim rejicere vix audeo. Quid enim impedit, si vacet, quo minus ejusmodi homo, qui plures forfitan noctes in aulæ gratiam continenter duxit infomnes, fomno aliquando invitatus suavi a prandio lecto sternatur & reparet, quicquid attritarum virium labascere. fugamque adornare minitabatur; cum experto cuilibec notum fit, adhibitum moderate sommum suavissime omnia, in pristinum, unde deturbata fuerant, statum reducere. At enim vero hoc deillis neutiquam dictum efto, qui vel intem.

temperanter noche dieque ventriculum cibo potuque obstipant & onerant, vel per totam nochem, in utramque aurem securi dormiunt; pigrique, segnes, torpidi pravæ consuetudinis ergo requiei pomeridianæ arctissimo sepulti somno, pluribus horis indulgent. Post prandium enim natura circa concoctionis negotium occupata, ad faciliorem ejus sublevationem majoremque sanguinis circuitum, vehementiorem cordis & arteriarum pulsum excitat, unde nullus jucundus somnus, sed lassus quasi & variis molestis insomniis, ac terroribus involutus oboritur. Ex adverso & istud nunquam fallit, Aulicos, creberrimis dum distinentur vigiliis, sensuum tam internorum, quam externorum (eo quod continuo intenduntur;) robur & aciem hebetare, retundere, perdere; Unde deinceps in œconomia vitali variæ concitantur turbæ, melancholicis, aut maniacis non adeo absimiles adsectus. Eadem quoque ratione & iste corum taxandus venit mos, qui in capiendo fomno egrediuntur modum atque non raro poenitendos suorum excessium sentiunt effectus, quo animus torpidus redditur, ac focors, fibre laxantur, fluxilitas humorum perit, ac infignis exinde eorundem Dyscrasia non fine graviori excretionum debitarum incommodo resultat. Neque istud somni genus utentium velificatur commodo, quando ebrii sepe numero mentis fere hand amplius capaces, lectis injiciuntur, ignarique omnium quod agant, reclinato deorsum vertice stertant, caput enim fit stupidum, corpus ad incubum disponitur, uttaceam pollutiones nocturnas tunc temporis longe frequentiores esle.

S. XXII.

Neque vero exigui sunt momenti errores, quos aulici sape circa moderationem animi adsestuum commitre solent. Dixerim ego haud sine ratione, majorem, si
non maximum exinde morborum in istis hominibus pro-

ventum ac modum enasci; singularemque ita dictorum animi Pathematum efficaciam & energiam esse ac depre-Quid enim ira, invidia, metus, triftitia, fimilesve affectus valeant, norunt illi, qui continuo iisdem abripiuntur & opprimuntur. Conf. Illustr. D. D. Stahl. Differt. de

Passionibus animi corpus varie alterantibus.

6. XVIII. Inveniemus ergo in aulis aliquos homines, quos cupiditas emergendi, honores consequendi aliisque dominandi,ita invafit,ut exinde perpetuis quafioccultisque æmulationis stimulis lancinati vitam degant, qui cum plerumque si temperamenti rationem spectes, sint Cholerici, hinc continuis, diversissimis, profundissimis meditationibus occupati, corpus & animum debita sua fraudant quiete; quodvero non potest non utriusque generis virium pro-Arationem inducere summam. Imo quoque dum in iram leviculis sepenumero de causis dantur ac essunduntur, sanguis subito a centro ad Peripheriam fertur, circuitus ejusdem præcipitatur, vasa intumescunt, & ob frequentiorem bilis in intestina effusionem ejusque iterum ad sanguinem revectionem facillimo negotio Icheri labe adsperguntur. Sin vero jam conceptam disfimulare, premere, pressamque, ne prorumpat, continuo objurgare rei postulet ratio; presso insequentur pede Cardialgiæ, palpitationes cordis, tremores artuum, ac totius fere corporis debilitationes. Its quoque proh dolor! tristitia, tacitus mœror, indignatio & princeps in Aulis invidia (que quidem corpori tantum adfert noxe in evertendo Chylificationis & nutritionis negotio, quantum vix nocentiflimum toxicum) ita incessit plurimorum animos, ut latentium igniculorum vellicatione jugi & efferatione pedetentim paulatim exficcati inarescant quali & consumantur: quibus deinde accedit, uti cum ipse malevolentia sus aliorum sibi tectum accelerent odium omnes fere improbissima cum sollitudine extimescant, deque expediendorum successu admodum incerti, turbulentissimum indigna ratione transmittant ævum. Quæ
certe omnia si in longum nimis protrahantur, periculum
est, ne totius corporis vitale sensim sensimque labesactent
robur, tonum & vigorem sibrosarum partium tollant; quibus amissis lentus inducitur sanguinis progessus, qui demum stagnationes, obstructiones, infarctus & indurationes
viscerum, Melancholicos aliosq; chronicos ponit adsectus.

§. XXIV.

Ultimo demum loco pauca quædam addimus de iis, quæ eruditi vulgo retenta & excreta vocant. Cum enim alimentorum ingestorum partes quædam in varia excrementa, quædam vero in succum corporis nutritium sive chylum, ab omnibus omnino particulis excrementitiis nec dum liberatum, abeant ac dispensentur; provida natura varia in corpore nostro posuit colatoria, quorum ope ac ministerio, utilia ab inutilibus, pura ab impuris segregantur, ac demum variis, quibus ea utitur, stimulis & nisibus ex universa humorum massa propelluntur ac proscribuntur. Verum quis nescit? & hoc sanitatis tuendæ principium nobilissimum perversissima subinde ratione administrari, adeo ut excernenda haud raro retineantur & retinenda cum damno excernantur.

6. XXV.

Quod enim excernenda primum attinet, nihil fere magis in more positum esse Aulicis, scimus quam ut præsentibus in conversatione Illustrioribus, ex itempestivo quodam pudore, utut a sæcibus continuo exstimulati, commodam proripiendi subducendique se tantisper occasionem circumspicere pigrentur; scemellis præcipue imaginariæ huic verecundiæ superstitiose deditis, existimantibus, totam cam si quisquam resciverit, alvum suisse exoneratam, iri extinctum. Retussinterearepressisque

fisque hisce nature ftimulis; fæces mittendæ, diu vero nimis retentæ, avolantibus magis magisque humidioribus partibus ad lapideam fere substantiam indurantur molefti. que sæpe numero atque fatalibus alvi obstructionibus, ansam subministrant. Huic malo mori accensemus etiam illum, fiquisquam lotium reddere solito diutius moretur. Quid autem obstinata hec Urine suppressio damni secum vehat, experiuntur cumprimis ii, qui calculosis pathematibus jam dum tentati gemunt, aut pertinacius iisdem uruntur; qui vero ex hisce doloribus actu nondum laborarunt, ad cos tamen præviis Dyfuria ac tandem Ischuria haud difficulter prædisponi possunt. Idem quoque dicendum de naturalis sudoris & transpirationis occultæ, cujus beneficio corpus a variis quisquiliis repurgatur, interpellatione. Pessime enim consulunt sibi, qui subitaneo frigori, æstuans roransque sudore corpus exponentes, exhalationem illam minus expeditam reddunt, intercipiunt aut plane reprimunt, quo ipfo has fordes in corpore congestas natura per alias vias & emunctoria egerere coacha, varios exinde Catarrhos, & Diarrhoeas periculi sæpe plenissimas, inducere solet. Conf. Illust. D. D. Stahl. Dissertat. de Transpiratione impedita. Imo denique Hæmorrhoides per spirituosiorem horum hominum diætam, licet sæpius in corum salutem apertæ, sed inordinato hoc vitæ genere iterum suppresse, Colica, Iliaca, & slia acutissima abdominis mala haud raro gignere solent.

Circa retinenda pauca saltim monenda veniunt; nisis huc trahere velis humoris cujusdam utilioris, salivæ scilicet prodigam largamque exscreationem. Equidem mos ille jam sere ubique locorum receptissimus minime omnium est approbandus, immani qui Nicotianæ usu se sumigatione, nullo discrimine habito liquorem illum salivalem

livalem pretiofum, a Natura longe nobiliori usui destinatum eximio cujusvis profundere damno docuit; quo alimentis digerendis naturale subducitur menstruum tosumque post assumtum cibum corpus torpidum redditur. Haud absimilem quoque noxam ferunt isti homines, ex infano pulverum sternutatoriorum abusu: quantumvis enim evacuandi pituitam, proluviem pravorum humorum detergendi, nisusque Catarrhales desendendi virtus iisdem deneganda non videatur; vifuntur tamen haud pauci, qui nescio quo malo aliorum more invitati nulla fere urgente necessitate singulis momentis naribus pabulum istud suum obtrudunt, quo demum ipso, dum serum nasale quovis momento proritatur, naturam eo adigunt, uti continuis his vellicationum stimulis, jugem mittendo humorum affluxum cum infigni cerebri defatigatione oblecundet.

6. XXVII.

Plura de aliis, quæ patiuntur multi Aulici in fanitate tuenda, prudentiæ deliquiis, certiflimis aureæ salutis detrimentis ac seductionibus, non addo. Ecquisenimomnium causarum, aut externarum violentarum, ut ecce collisionum, indignationum, digladiationum, cæterarum; aut contagiosarum, quæ per impuram communicationem ex uno corpore in alterum commigrant corpus & trajiciuntur v.c. per lectos, ftragulas, vestes, sellas, culcitras, ephippia, atque adeo instrumenta & vasa escaria & potatoria: ineat numerum? Quare non est animus, morbos de composito etiam hic, licet concisim recensitos & pertractatos figillatim repetere, novo examini subjicere, aut prolixe docere; qua ratione Aulicus ejusmodi homo morbos suos rite & decenter debeat tracture. Nemo itidem arbitratu fuo poterit desiderare, ut singulorum affectuum hactenus recensitorum specialis superaddatur medela; siquidem hic unumquemque ad autores Practicos, qui de his figillatim & ex instituto egere, remitto. Exinde coronidis tantum loco regulas quasdam & cautelas ad Dixtam maxime spectantes, non pœnitendi usus subnectere lubet. Vitet modo quisque noxia & quæ salutaria sunt sectetur, vix ullo certe & tuendæ sanitati & conservandæ indigebit magistro.

S. XXVIII.

Auream exinde esseillam regulam: Principiis obsta sero medicina paratur; nemo æstimator rerum harum prudens unquam in dubium vocaverit. Quamobrem primi morborum insultus, initio quidem leves flocci pendendi neutiquam funt, quia utplurimum majores capiunt vires & alsiores agunt radices, quas vero uberiore & longo medicamentorum usu evellere & extirpare haud commode semper datur: quin tuum potius ingenium perdocebis, ne simplicem vitæ fanitatisque ordinem respuat atque corrumpat; quo tandem natura artificiose ejusmodi methodo invita adfuefiat: periculum enim est ne procedente tempore continuo factus valetudinarius, te haud sanum existimes, nisi indies certis utaris remediis. Hincprimis potius gliscentibusque morborum insultibus, qui Aulicos infestare solene primordiisque occurfandum est, quo velut in herba supprimantur nec agere radices altius queant; ut adeo fequela morborum dubia cum ipfis eorundem primis Raminibus neminem occupet, sanitatique quam optime consulatur: sobrie quisque, moderate, temperanter se gerat, apposita coenæ quam maxime dubiæ redundantia, eademque ex tempore & ordine utatur; occasionesque animum exasperandi concitandique omni ratione vitet; ne serius prudentiam isthane damno suo condiscere teneatur. Plus enim hoc ipso & modo subnectendis, si rite observentur, proficiet, quam si præstantissimis, juxta ac sumtwosissimis, illis

-\$@3 (24) 8@3-

illis universalibus remediis, Tincturis & Essentiis, ex auro aut gemmis confectis sese committat, continuoque eorum usui adsuescat.

6. XXIX.

Et vt a maxime solenni initium capiam, ex superioribus jam tum constat, ex nimia victus ingestione immanem morborum aulicorum exfurgere segetem. Adeoque primum omnium cibo potuque sobrie utantur, luxuriam & crapulam sollicite fugiant, debitum in capiendis alimentis ordinem ac tempus servent; & si quid forsan mali obvenerit, inedia & abstinentia hostem impugnent; neque facile digestis nondum nova denuo super addant. Cumque nemini ignotum sit, eum plerumque dici fanum, qui bene ingerit, digerit & egerit; hinc coenæ prandiique tempore, sufficienti potu, dilutiori, probe defœcato & diuretica quodammodo vi infiructo utantur, non insuper quoque habito modico inprimis post prandium, digestionem ciborum optime promovente, vini generosioris haustu. Temperantiam non minus in eo servent, ne nimia infusorum Thée & Coffe Illustrioribus quam maxime familiarium, quantitate menstruum ventriculi turbent arque debilitent,

S. XXX.

Præterea subitanea quoque aëris & tempestatum, ut ecce caloris in frigus, siceitatis in humiditatem commutationes & contra omni studio sunt cavendæ; quandoquidem hæ nostrum circumsuentes & instuentes corpus malignos sæpe producere solent morbos. Neque vero nimis sollicite circa usum & temperiem aëris sese gerant; adeo ut in eligendo calore plus justo sint anxii & supersitios, aut levioribus auræ cujusvis vicibus se subtrahant. Hac enim ratione tanta naturæ humanæ mollicies indu-

inducitur, ut vel exigua aëris variatio, eosdem graviter offendere possit. Qui vero ob educationem in aulis molliorem, sensibilioris teneriorisque sunt indolis, ii inprimis humido & nebuloso aëri se subducant, imo habitacula seligant liberiori aëris accessui exposita, superiorumque contignationum loca przillis, quz in imo terre pavimento structa reperiuntur, exoptent.

S. XXXI.

Haud exiguum quoque sanitatis tuenda prasidium a momentum, in movendo a exercitando corpore ponimus. Certi enim sumus, in hoc plus sepe auxilii a levaminis esse inveniendum, quam in decantatis istis remediis, qua ex penu hominum, arcanis suis claristimorum, ad prastruendam praservandamque sanitatem vulgo depromuntur. Quare eam etiam ob causam ruricola posthabito utplurimum omni fere remediorum usu, sani a incolumes vivunt; ob vita enim sua conditionem laboribus semper intenti, sanguinem in serum conversum, una cum sordibus per transpirationem ex corpore proluunt. Conf. Illustr. D. D. Stabl. Diss. de Motus voluntarii usu medico.

S. XXXII.

Quid quæso Aulicis nimia esculentorum mole onustis, antiquius aut prius esse debeat, quam motus? quapropter exercitia illa varia in Aulis reperiunda iisdem
minime sunt dissuadenda. Attamen semper proportio
est servanda, ut ii scilicet, qui cibi potusque grandiore
modo utuntur, majori quoque motu corpus exerceant.
Ante omnia vero monendum, quod in omni statu moderata magis & repetita conveniat motitatio, quam sortior

tior, repentina & cum turgescente humorum ebullitione conjuncta. Interea quamvis agitare corpus nimium, post assumes cibos, insuetosque suscipere labores e re haud sit, moderata tamen motio mirum quantum commendanda. Iis autem, qui magis animi quam corporis laboribus distinentur, deambulando, vehundo, & equitando corpus ut exerceant, quam maxime suadendum est; quo obstructiones & infarctus ejusmodi hominibus utplurimum solennes, levi hac agitatione iterum reserentur. Quies deinceps post motum sortiorem non statim assectanda, sed corpus adhuc aliquandiu seniter movendum, ut partes Sulphureo-Salinæ jamjam in motum actæ per transpirationem occultam eo commodius expelli queant.

6. XXXIII.

De Somno & vigiliis multa dicere, supervacaneum esse censeo; siquidem somnum inter & vigilias medium tenere optimum semper est remedium. Hinc sedulo cavendum ne utrumque horum in nimis longum protrahatur spatium. Inprimis vero illud somni genus prorsus dediscendum, cui post curatam & saginatam probe cuticulam, lubentes nos dedimus torpentesque ad elanguidam componimur quietem: quilibet enim ipso se teste novit, saginam bene multam, molestiis variis, insomniis terroribusque involutas ac pene vigiles secum vehere nostes.

S. XXXIV.

Animi vero Pathemata cum absolutum serme in corpus, uti ex supra dictis clarum erit, sibi vindicent dominium; Ita hæc ipsa plus quam cœteræ res non-naturales Aulicorum sanitatem offendere solent. Dan-

da ergo erit opera, ut. quantum quidem fieri potest, quilibet Aulicævitæ deditus, sedatum & ab omni vehementiore commotione liberum gerat animum; iræ frœna non laxet, quin potius, quod male se habet, ex animo dimittat, alimenta post iram non statim capiat, sed corpus potius in libero & temperato aëre exerceat, ac cum aliis explicatioris sereniorisque frontis hominibus confuescat. Triffitiam porro nimiam & moerorem ut pellas, modicus idemque lenis vini hauftus fuum quam maxime confert, neque exigui funt usus peregrinationes in alia loca institute, que conquassatam, meticulosam & triftiora sibi monstra figurantem mentem quodammodo divertunt, mitigant, sexcentisque aliis, quæ oculis objiciunt, oblectamentis fallunt. extirpandam vero in aulis invidiam, Christianum hominem vix decentem, nulla melior regula suppeditari potest, quam ut quisque alterum amore debito & beneficentia complectatur. Hac enim ratione nec angi excruciarique animo, nec vitam ipsam ante diem claudere necesse habebit.

S. XXXV.

Clausulæ loco adhuc monita quædam de justo, circa excernenda regimine superaddere instituti postulat ratio; Hinc in genere notandum: quod Venæsectiones & scarificationes inprimis si Plethora urgeat nou sint negligendæ, consuetæ vero nunquam intermittendæ. Quod vero sudorem attinet sedulo inculcandum ne Autocratici isti Naruræ sudores, qui istis hominibus matutino sæpius tempore obtingunt, subitanea frigoris admissione supprimantur, sed decenti membrorum in lecto velatorum defixione curentur, ne conatus naturæ longe salubersimi eludantur atque frustrentur. Fæces alvinas nec

nec non urinam mittere & reddere nemo cunctetur, sed statim urgente naturali stimulo excernat. Demum Hæmorrhagiæ naturales, nunquam supprimantur; quare sluentibus in sæminis mensibus cibi acidi statulenti & pravædigestionis sedulo sunt vitandi suspendendique.

§. XXXVI.

Ex hisce ergo omnibus meditationibus satis ut puto elucescit, in quo verum & genuinum sanitatis Aulicos inter consistat sundamentum; & quam simplices ac paucæ sint regulæ ad illius conservationem necessariæ. Si quis igitur horum hominum prædicto modo tramite rite incedat, ac deviantes, quos tetigimus slexus præcipue vero noxia Animi Pathemata declinet, de eo nunquam dici poterit, ipsum sibi prosligatæ sanitatis autorem,

vitam cum gemitu ante diem misisse sub umbras

indignabundam.

TANTUM.

Errata.

dag. 3. Procem, lin. 3. pro indols leg. indoles; &s voc. leq. pro eidem leg. idem.

Pag. 8. lin. 13. deleatur in

Pag. u. lin, 10. pro amans leg. amaris. ead. H. lin. 24, pro maxima leg. maxime.

NOBILISSIMO ATQUE DOCTISSIMO

CANDIDATO

S. P. D.

D. JOANNES JUNCKERUS.

Amice honoratissime, de laudabili conasu, quo, tandem absoluto studiorum Academicorum cursu, industriam & eruditionem Tuam probare, ejuque documentum publicum in explicandu Morbis Aulicis,
edere contendis. Perlegi pleraque omnia, & quam diligenter
graves eorum causas percensere, quamque solide Plethoram
varie nutritam commotamve accusare Tibi curæ suerit, satis
animadverti. Et prosecto necesse erat, rerum non naturalium classem bic non leviter attingere, sed earum abusum æque
ac potestatem susus & perspicue demonstrare, ut syrtes & scopuli, ad quos tot hominum nobilium & singulari dignitatis
sastigio eminentium salus identidem naustragium patitur, in
apricum proserventur. Subit autem sape mirari, cur tum
D 3

inaulis tam alibi ad leviora bujus generis omnes fere attendont, graviora vero & sanitati frequentius infesta curare & pracavere paucis in mentem venias. Nosti, Amice qua potissimum causa e rebus n. n. ut sepius moneo, reliquis prevaleat, aut saltem creberrimam ægretandi præbeat occasionem; & me tacente loquitur id experientia, ubique in illis, qui sedentariæ vitæ genus sequuntur, omnium oculis exposita. Paradoxon fortaffe & improbabile quibusdam videbitur, fit inde plurimorum aula morborum originem arcessere sustineam; At enim vero omissis aliis huic rei stabiliende idoneis, quidest pracipue inter externa valetudinis offendicula, quod nobiles fæminas præ viris frequentius debilitet adfligat & medicam opem sæpe frustra efflagitare compellat? An aër impurus, Squalidus, turbulentus? quem adeo fugiunt, ut nihil sibi formidolosius esse fateantur; An relique tempestatum injurie? quas tam raro subeunt, & si forte in itineribus metuenda sint, magna sollicitudine a corpore suo arcere perdocte sunt; an ciborum qualitates scrupuloso semper examini subjecte? an abundantia victus? in quo capiendo longe minus & rarius viris peccant; an vinum & spirituosi liquores? quos itidem parcius adsumant; an denique vigiliarum & somni ratio, a plerisque tam exacte observari solita, ut nibil supra. Neque etiam in excretionibus, licet ab his multum pendeat, neque in majore perturbationum animi potentia, per se singularis bujus miseriæ culpa hærere videtur; nam viri quoque gravioribus animi adfectibus sæpe percelluntur, & præterea in tenendis Diete regulis incautissimi subinde in victu, motu, vigiliis nibil fibi moderantur, cum calo nebuloso vel aspero gelidiore feras: magno impetu indagare & persequi, sub dio pernoctare, & alioquin equitatione caterisque exercitiis equestribus corpus vehementer & inequaliter concutere, aut domi conviviis & competationibus in seram usque nodem protractis indulgere lubeat. Atque bi tamen, etsi tot errores committant, eorumque pænam interdum gravi morbo persolvant; rarius ægrotare solent fæminis de majori semper debilitate conquerenti. bus. Quapropter Tibi aliisque meditandum relinquam, an non primus tantorum malorum ortus maxime otio seu nimiæ corporis quieti debeatur. Apertum enim est, fæminas aulicas a teneris fere annis quiescenti nimium vitæ adsuescere, ac sedendo, colloquendo, legendo, & non nisi molliter deambulando, plurimum temporis consumere; neque minus liquet, quantum hac diuturniore consuetudine pra aliis valeant ad sanita tem ledendam. Nam ut omnium actionum vigor in homine, nisi alacrius identidem excitetur, otiando paullatim remittit ac deficit; sic & inde in vitalibus stomachum languescere, se-& excretionum varia impedimenta, humorum stagnationes & post pubertatem sensim menstruorum vitia pluribus deinde incommodis stipata existere necesse est. Porro natura, dum animus ad alias res sub otio exquisitius notandas & speculandas advertitur, multisque simul prajudiciis & ideis de tuenda va letudine sollicitis obruitur; vitalem acum hinc non ita promte administrat, & cum quotidie turbatur, crescentique periculo occurrere satagit, omnes sensuum nervos acrius intendit ad domicilium suum quocunque modo defendendum & custodien-

dum.

dum. Ex quo fit, ut hujusmodi persone jam eo vehementius ab externarum rerum impressione adficiantur, quo magis antea inclementem auram; & duriusculum victum laboribus conjunctum &c. evitarunt, adeoque in magnam sensibilitacem ulteriorum malorum genitricem, & varia medicatione plerumque augescentem incidant. De quibus non attinet plura dici, ne modum epistolæ excedam; illud exploratum est, ab agili vitæ genere constantius suscepto, bæcomnia efficaciter præcaveri, in quo etiam matronas illustres & consilio obsequentiores, cum nullum ex aliis remediis levamen capere possent, unicum dolorum & adflictionum suarum lenimentum reperisse constat. Sedne longior sim, desino, Tibique Candidate dignissime, in his non æque semper gratis aliisque confiliis & auxiliis confervande & redintegrande hominum valetudini destinatis saccesus adprecor felicissimos. Nec dubito quin eos habiturus sis, & supremi nostræ artis Antistitis ope fulciaris, ejusque gratiams ubique exorandam, voluntatem devota mente venerandam esse Huic Te ex animo commendatum volo letiffiserio cogises. mumque in patriam reditum exopto. Vale Dab. Hala d. 19. Odobr. MDCCXXVI.

